

四庫全書

子部

欽定四庫全書

子部  
喻林卷十八

詳校官中書<sub>臣</sub>朱文翰

主事<sub>臣</sub>祁韻士覆勘

總校官原任中允<sub>臣</sub>王燕緒

校對官修撰<sub>臣</sub>吳錫齡

謄錄監生<sub>臣</sub>蕭準

欽定四庫全書

喻林卷十八

明 徐元太 撰

人事門

十六

莫知

司寇布為周最謂周君曰函冶氏為齊大公買良劍公不知善歸其劍而責之金越人請買之千金折而不賣將死而屬其子曰必無獨知今君之使最為太子獨知之契也天下未有信之者也君何不買信貨哉

戰國策  
周敬王

巧匠不斷兮孰察其揆正

史記屈原傳

今夫絃者高張急徽追趨逐者則坐者不期而附矣試  
為之施咸池揄六莖發簫韶詠九成則莫有和也

前漢書揚

雄傳

下

絕節赴曲非常耳所悲見殊心異雖奇莫察

晉書習鑿齒傳

玉徽金銑反為拙目所嗤巴人下里更合郢中之聽陽

春高而不和妙聲絕而不尋

梁書庾於陵弟肩吾傳

孟賁過於河先其五船人怒而以楫虺其頭顧不知其

孟賁也中河孟賁瞋目而視船人髮植目裂鬚指舟中  
之人盡揚播入於河使船人知其孟賁弗敢直視涉無  
先者又况於辱之乎此以不知故也

呂氏春秋  
秋必已

夫以徵為羽非絃之罪以甘為苦非味之過楚人有烹  
猴而召其隣人以為狗羹也而甘之後聞其猴也據地  
而吐之盡瀉其食此未始知味者也邯鄲師有出新曲  
者託之李奇諸人皆爭學之後知其非也而皆棄其曲  
此未始知音者也鄙人有得玉璞者喜其狀以為寶而

藏之以示人人以為石也因而棄之此未始知王者也  
故有符於中則貴是而同今古無以聽其說則所從來  
者遠而貴之耳

淮南子  
脩務訓

夫驥罷鹽車此非無形容也莫知之以使驥不得伯樂  
安得千里之足造父亦無千里之手矣

韓詩  
外傳

人之言曰安者不能恤危飽者不能食饑故餘粱肉者  
難為言隱約處佚樂者難為言勤苦夫高堂邃宇廣厦  
洞房者不知專屋狹廬上漏下濕者之窟也繫馬百駟

貨財充內儲陳納新者不知有旦無暮稱貸者之急廣  
第唐園良田連比者不知無運踵之業竄頭宅者之役  
也原馬被山牛羊滿谷者不知無孤豚瘠犢者之窶也  
高枕談卧無叫號者不知憂私責與吏正戚者之愁也  
被紕躡韋搏梁啗肥者不知短褐之寒糖粇之苦也從  
容房闌之間垂拱持案食者不知蹠耒躬耕者之勤也  
垂堅驅良列騎成行者不知負擔步行者之難也同床  
旃席侍御滿側者不知負輅輓船登高絕流者之難也

衣輕暖被英裘處溫室戴安車者不知乘邊城飄胡代  
鄉清風者之危寒也妻子好合子孫保之不知老母之  
顛顛匹婦之悲恨也耳聽五音目視弄優者不知蒙流  
矢距敵方外之死者也東嚮伏几振筆如文調者不知  
求索之急箠楚之痛者也坐蒨茵之上按圖籍之言若  
易易然亦不知步步涉者之難也

鹽鐵論鹽  
鐵取下

蓋越人美羸蚌而簡大牢鄙夫樂咋音而恠韶濩故不  
知味者以芬香為臭不知道者以美言為亂耳

鹽鐵論  
論菑



夫驥厄罷鹽車非無驥狀也夫世莫能知也使驥得王

良造父驥無千里之足乎

說苑雜言

九臯難和絕不相知

焦氏易林松之謙

言我駕飛龍乘明智之獸象玉之車文章雜錯以言已

德侶龍玉而世莫之識也

王逸註楚辭離騷經

言離婁明目無所不見微有所睇盲人輕之以為無明

也言賢者遭困厄俗人侮之以為癡也

王逸註楚辭九章

言已見美大之丘葛草緣之而生交錯茂盛人不異而

采取則不成締綌以言楚國士民衆多君不異而舉用

則不知其有德也

王逸註楚辭九懷

今或時鳳凰騏驎以仁聖之性隱於恒毛庸羽無一角

五色表之世人不之知猶玉在石中也

王充論衡講瑞篇

或時以有鳳凰麒麟亂於鵠鵲麋驎世人不知美玉隱

在石中楚王令尹不能知故有抱玉泣血之痛

王充論衡講瑞篇

篇

宋元王之時漁者網得神龜焉漁父不知其神也方今

世儒漁父之類也

王充論衡  
講瑞篇

胡人見布而疑賡越人見罽而駭毳夫覩所習見而竒  
所希聞此人情之常蔽也

山海經序

且常人之所愛乃上士之所憎庸俗之所貴乃至人之  
所賤也英儒偉器養其浩然者猶不樂見淺薄之人風  
塵之徒况彼神仙何為汲汲使芻狗之倫知有之何所  
索乎而怪於未嘗知也

抱朴子內篇論仙

所謂以明鑑給朦瞽以絲竹娛聾夫也

抱朴子內篇極言

夫見玉而指曰石非玉之不真也待和氏而後識焉見龍而命之曰蛇非龍之不神也須蔡墨而後辨焉所以貴道者以其加之不可益而損之不可減也所以貴德者以其聞毀而不慘見譽而不悅也

抱朴子內篇塞難

何異秦雅樂於木梗之側陳玄黃於土偶之前哉

抱朴子外

篇重

言

夫雷霆輶磕而或不聞焉七曜經天而或不見焉豈唯形器有聾瞽哉心神所蔽亦又如之是以聞格言而不

識者非無耳也見英異而不知者非無目也由乎聰不

經妙而明不逮奇也

抱朴子外篇名實

若席上之珍不積環堵之操不粹者予之過也知之者

希名位不臻以玉為石謂鳳曰鷦者非余罪也

抱朴子外篇任

命

小鮮不解靈虬之遠規鳬鷖不知鴻鵠之非匹是以耦

耕者笑陳勝之投耒淺識者嗤孔明之抱膝

抱朴子外篇博喻

世無離朱皂白混焉時乏管青騏蹇糅焉磧礫積於金

匱瑾瑶委乎溝洫匠石緬而遐淪梓豫忽而莫識

抱朴子外

篇吳

失

夫非漢東之人不能料明珠於泥淪之蚌非泣血之民不能識夜光於重崖之裏蟪蛄屯蚊眉之中而笑彌天之大鵬寸鮒游牛迹之水不貴橫海之巨鱗故道業不足相涉聰明不足以相逮理自不合無所多怪

抱朴子外

篇荆  
騷

以管闚天者莫見其涯故似不齊

郭子註莊  
應帝王

雖懷瓊而握蘭徒芳潔而誰亮

陶靖節集賦

鴻進於陸以其羽翼為威儀弘等皆有鴻之羽儀未進

之時燕爵所輕也

前漢書註公孫弘卜式兒寬贊

惟聖知聖惟龍知龍愚不知聖蚘不知龍聖道未彰羣

愚玩矣龍蟠未升蚘其肆矣

楊子法言註問神篇

蓼蟲避葵藿習苦不言非小人自齷齪安知曠士懷

文選

鮑昭放

歌行

不見郢中歌能否居然別陽春無知者已人皆下節

文選

張協

詩

懷質抱情獨無匹兮伯樂既沒驥焉程兮

補文選原懷沙

若不一叩洪鐘伐雷鼓則不識其音響也

世說新語

人有以狐為狸以瑟為箜篌此非徒不知瑟狐又不知

狸與箜篌

意林新論

荆南雅曲高音鮮和河西名驥滅沒誰賞

藝文類聚人部隱逸下書

連城之寶照廡之珍野老怪而相捐工人迷而不識

藝文

類聚內典

部內典碑



爾鼠子輩安知君子豹變之志乎

太平御覽  
人事部笑

希世之寶違時必賤偉俗之器無聖則淪是以明玉黜

於楚岫章甫窮於越人

何氏語林  
輕詆南史

孔子出衛之東門逆姑布子卿曰二三子引車避有人

將來必相我者也孔子下步姑布子卿曰羸乎若喪家

之狗子貢以告孔子曰丘何敢乎子貢曰何足辭也子

曰汝獨不見夫喪家之狗歟既歛而桴布器而祭顧望

無人意欲施之上無明王下無賢方伯王道衰政教失

強陵弱衆暴寡百姓縱心莫之綱紀是人固以丘為欲

當之者也丘何敢乎

困學紀聞  
卷十諸子

譬如商人有無價寶詣市賣之愚人見之而問寶主曰

此寶何價寶主曰此寶價值百千萬數聞已復詈此是

何物誑我是寶各相謂曰此非真寶

三十六部尊  
經仙人經

譬如金剛不識寶人不知其能不得其用

大方廣佛華  
嚴經卷七十

八

譬如有人賣摩尼寶有愚癡人見彼寶已即便問言仁

者斯寶其價云何寶主答言汝今當知是寶精勝世間  
所無非可造次以世價論也吾今且說此寶功能威德  
力用粗為約耳卿若欲知此摩尼寶光明所照近遠若  
干卿今若須當以真金布滿斯地爾乃相與彼愚癡人  
聞是語已便大嗤笑種種些毀是摩尼寶竟不酬價

大集

賢護經

卷二

譬如冥夜興雲降雨

脩行道地  
經慈品

譬如人著新衣初著日若不故第二日亦不應故如是

乃至十歲應常新不應故而實已故當知與新俱有微  
故不覺故事已成方乃覺知

大智度論  
卷十九

懷憂

噫噫

音腰

草蟲趯趯阜螽未見君子憂心忡忡 陟彼南

山言采其蕨未見君子憂心惛惛

音拙

陟彼南山言采

其薇未見君子我心傷悲

詩國風  
草蟲

心之憂矣如匪澣

音緩

衣

詩國風  
柏舟

蜉蝣之羽衣裳楚楚

叶創  
舉反

心之憂矣於我歸處

詩國風  
蜉蝣

鴻鴈于飛哀鳴磬磬

音

維此哲人謂我劬勞維彼愚人

謂我宣驕

叶音高

詩

沔彼流水朝宗于海

叶虎有反

鴆彼飛隼載飛載止嗟我兄

弟邦人諸友莫肯念亂誰無父母

詩小雅沔水

憂心如酲

音呈 詩小雅雅節南山

心之憂矣如或結之

詩小雅正月

宛彼鳴鳩翰飛戾天我心憂傷念昔先人

詩小雅宛

弁彼鸞斯歸飛提提

音

民莫不穀我獨于罹

詩小雅

弁

心之憂矣

音赴

如疾首

詩小雅小弁

譬彼舟流不知所屆

詩小雅小弁

鹿斯之奔維足伎伎

音祁

雉之朝雝

音姑

尚求其雌譬彼壞

木疾用無枝

詩小雅小弁

無將大車祇自塵兮無思百憂祇自疢

眉貧反

兮無將

大車維塵冥冥

莫迴反

無思百憂不出于頰

音眑

無將大

車維塵雖兮無思百憂祇自重兮

詩小雅無將大車

荇音條之華芸其黃矣心之憂矣維其傷矣 荇之華其

葉青青音精知我如此不如無生詩小雅荇之華

如彼遡風亦孔之僂音愛 大雅桑葉詩

旱魃音跣為虐如惓音談如焚我心憚暑憂心如熏詩大雅雲漢

觥音必沸音弗檻胡覽反泉維其深矣心之憂矣寧自今矣詩大

雅曉印

仕於閭君猶行而出北門心為之憂殷殷然鄭氏箋詩北門

今王之為政見之使人喑然如鄉疾風不能息也鄭氏箋詩

桑

涌泉之源所由者深喻已憂所從來久也

鄭氏箋  
詩瞻印

故心之憂矣如不澣之衣衣之不澣憤辱無照察似已

之憂煩憤無容樂

毛詩正  
義柏舟

王肅云言盡力勞病以成攻堅之巢而為風雨所漂搖

則鳴音嘒嘒然而懼以言我周累世積德以成篤固之

國而為凶人所振蕩則已亦嘒嘒而懼

毛詩正  
義鵲

刈薪者惜其樵薪不欲使汎泉妄浸之以妄浸之則濕



腐不中用故也以興今譚大夫契契憂苦而寤寐之中  
哀憐我譚國勞苦之民人不欲使周人極斂之極斂之  
則困病不堪其事也

毛詩正義  
大東

感沸然而涌出者檻泉也此泉潰涌而出言其所從來  
維其深遠矣喻天下之人心之憂愁亦所由來久遠寧

從今日矣

毛詩正義  
瞻印

織者常苦緯少寡婦所宜憂

杜氏解左傳昭  
公二十四年

閔閔然如農夫之望歲懼以待時

左傳昭公  
三十二年

寡人卧不安席食不甘味心搖搖如懸旌而無所終薄

戰國策

齊威王

悲者不可為累歎思者不可為歎息

前漢書景十三王傳

猶懷老牛舐犢之愛

後漢書楊震傳

伏讀感切五情若灼

晉書齊王冏傳

毒螫瘡膚則申旦不寐饑寒切體亦卒歲無聊何則痛

苦難以安貧窮易為慮

隋書王孝籍傳

潛鬢髮之內居眉睫之間子野未曾聞離朱所不見

隋書

王孝籍  
儒林傳

心有憂者筐牀衽席弗能安也菰飯糲牛弗能甘也琴瑟鳴竽弗能樂也患解憂除然後食甘寢寧居安游樂

淮南子  
詮言訓

魯監門之女嬰相從績中夜而泣涕其偶曰何謂而泣也嬰曰吾聞衛世子不肖所以泣也其偶曰衛世子不肖諸侯之憂也子曷為泣也嬰曰吾聞之異乎子之言也昔者宋之桓司馬得罪於宋君出於魯其馬佚而馭

吾園而食吾園之葵是歲吾聞園人亡利之半越王勾踐起兵而攻吳諸侯畏其威魯往獻女吾姊與焉兄往視之道畏而死越兵威者吳也兄死者我也由是觀之禍與福相及也今衛世子甚不肖好兵吾男弟三人能無憂乎

韓詩  
外傳

堅冰黃鳥常哀悲愁不見甘粒但見藜蒿數驚驚鳥為

我心憂

焦氏易林  
乾之噬嗑

水載船舟無根以浮往來溶溶心勞且憂

焦氏易林  
屯之益

失意懷憂如幽狂牢

焦氏易林  
比之否

望驥不來拘蹇為憂

焦氏易林  
泰之比

鳧過稻廬甘樂鱖雖驅不走田唆懷憂

焦氏易林  
同人之升

離女去夫閔思苦憂

焦氏易林  
豫之遯

簪短帶長出思苦窮

焦氏易林  
恒之咸

川淵難遊水為我憂

焦氏易林  
蹇之豫

次二鵠

古牙切

鵠慘于冰翼彼南風內懷其乘測曰鵠鵠

之慘懷憂無快也

太玄經  
第三卷

次六玄鳥維愁明降于幽測曰玄鳥維愁將下昧也

太玄

經第

五晦

言已憂愁腸中運亂繚繞而轉涕泣交流若磨屑之下

而無絕時也

王逸註楚辭九歎

歲之秋也涼風鳴條清露變葉則寒蟬抱樹而長叫吟

烈悲酸瑟于落日之際何也哀其時命迫于嚴霜而寄

悲於苑柳

劉子惜時

高山之有崖林木之有枝愚智同知之今憂來仍無定

方而人皆無能知之

李善註文選魏文帝善哉行

達人之智混齊死生今反感木衰之秋華悲豐草之零

露是乃在殷憂而不去何云識道乎

李善註文選散遊賦

恐鷦鷯之先鳴兮使百草為之不芳

文選屈原離騷經

雞鷺以稻梁致憂燕雀以堂構貽愁既銜利之情近又

遁害之無由

廣文選江文通翡翠賦

憂隨積霖密慨因朗旭彰

藝文類聚人部愁詩

譬如有人多齋珍財入於曠野其中多有凶暴劫賊彼

人爾時更無餘想唯作是念我於何時當出如斯險難之處得至豐樂安隱國土

波羅密多經  
卷五百八十

譬如有人身患瘡癰但念除差以藥塗之

蘇婆呼童  
子經卷上

心為愁感猶初月煙霧所覆無有光明

本緣經持  
王子品

譬如罪人臨當受戮雖復美味在前家室勸喻以憂死故雖欲飲食餽饌不覺滋味

大智度論  
卷十四

憂世

我視彼泉水之流尚有一泉則清一泉則濁我視彼諸



侯之行何為一皆為惡曾無為善乃泉水之不如也

毛詩

正義  
四月

鵬也鳶也貪殘之鳥乃高飛至天今在位非鵬也鳶也

何故貪殘驕暴如鳥之高飛至天也鱣也鮪也長大之

魚乃潛逃於淵今賢者非鱣非鮪也何為隱遁避亂如

魚之潛逃於淵也

毛詩正義  
四月

子擊磬於衛有荷蕢而過孔氏之門者曰有心哉擊磬

乎

論語憲問

孔子生於亂世思堯舜之道東南西北灼頭濡足庶幾  
世主之悟悠悠者皆是君聞大夫妬孰合有謀是以嫫  
母飾恣而矜夸西子彷徨而無家非不知窮厄而不見  
用悼痛天下之禍猶慈母之伏死子也知其不可如何

然惡已

鹽鐵論  
大論

農夫輟耕而容與兮恐田野之蕪穢

廣文選  
宋玉九辨

駕蹇服御良樂咨嗟鉛刀剖截區冶歎息故少師幸而

季梁懼宰嚭任而伍負憂

廣文選  
魏文帝連珠

世變

鹿鳴廢則和樂缺矣四牡廢則君臣缺矣皇皇者華廢則忠信缺矣棠棣廢則兄弟缺矣伐木廢則朋友缺矣天保廢則福祿缺矣采薇廢則征伐缺矣出車廢則功力缺矣杕杜廢則師衆缺矣魚麗廢則法度缺矣南陔廢則孝友缺矣白華廢則廉恥缺矣華黍廢則蓄積缺矣由庚廢則陰陽失其道理矣南有嘉魚廢則賢者不安下不得其所矣崇丘廢則萬物不遂矣南山有臺廢

則為國之基墜矣由儀廢則萬物失其道理矣蓼蕭廢則恩澤乖矣湛露廢則萬國離矣彤弓廢則諸夏哀矣菁菁者莪廢則無禮儀矣

毛詩小雅六月序

誥誓不及五帝盟詛不及三王交質子不及三伯

穀梁隱公

年八

今之世猶人之市置貨以設詐抱謀以待敵不幸陷厄

求伸而已

吳越春秋句踐入臣外傳

孝經鉤命決曰三皇步五帝驟三王馳宋均注云德隆

道用日月為步時事彌順日月亦驟勤思不已日月乃

馳

後漢書曹  
褒傳註

故揖讓之禮行乎堯舜之朝干戈之功盛于殷周之世

清風以長物成春素霜以凋嚴戒節

南齊書  
劉祥傳

措笏干戚不適有方鐵鉅登降周旋不逮日中奏百狸

首射侯不當强弩趨發干城距衝不若烟穴伏櫜古人

極於德中世逐於智當今爭於力

韓非子  
八說

古之人貴能射也以長幼養老也今之人貴能射也以

攻戰侵奪也其細者以劫弱暴寡也以遏奪為務也仁人之得飴以養疾侍老也跖與企足得飴以開閉取捷

也

呂氏春秋異用

周室衰而王道廢儒墨乃始列道而議分徒而訟

淮南子傲

真訓

句爪居牙戴角出距之獸於是驚矣

淮南子本經訓

古之兵弓劍而已矣槽柔無擊脩戟無別晚世之兵隆

衝以攻渠幘以守連弩以射銷車以關

淮南子紀論訓

伯成子高辭為諸侯而耕天下高之今之時人辭官而

隱處為鄉邑之下豈可同哉

淮南子  
汜論訓

古之伐國不殺黃口不獲二毛於古為義於今為笑古

之所以為榮者今之所以為辱也古之所以為治者今

之所以為亂也

淮南子  
汜論訓

治身太上養神其次養形治國太上養化其次正法神

清志平百節皆寧養性之本也肥肌膚充腸腹供嗜欲

養生之末也民交讓爭處卑委利爭受寡力事爭就勞

日化上遷善而不知其所以然此治之上也利賞而勸善畏刑而不為非法令正於上而百姓服於下此治之末也上世養本而下世事末此太平之所以不起也

淮南

子秦  
族訓

世有盛衰哀極久有弊也譬猶衣食之於人也初成鮮

完始熟香絜少久穿敗連日臭茹矣

王充論衡  
齊世篇

如以上世人民侗長佼好堅彊老壽下世反此則天地初立始為人時長可如防風之君色如宋朝壽如彭祖



乎從當今至千世之後人可長如英英色如嫫母壽如

朝生乎

王充論衡  
齊世篇

愛憎好惡古今不鈞時移俗易物同賈異譬之夏后之  
璜曩直連城鬻之於今賤於銅鐵故昔以隱居求志為  
高士今以山林之儒為不肖故聖世之良幹乃閭俗之

罪人也往者之介潔乃末葉之羸劣也

抱朴子外  
篇擢才

蓋三皇步而五帝驟霸王已來載馳載騫

抱朴子外  
篇用刑

太息而言仁孝者失於江湖乃思濡沫也

郭子註  
莊天運

幽厲之時多有諷刺在下祖習如風之散如水之流故

曰彌著

李善注文選沈休文謝靈運傳論

世路嶮巇一至於此太行孟門豈云薪絕

文選劉孝標廣絕交論

帝者得其英華王者得其根核霸者得其附枝故帝道不行不能王王道不行不能霸霸道不行不能守其身

太平御覽皇王

部叙皇王上

堯步舜驟禹馳湯驚德有優劣故曰行轉疾也

太平御覽皇王

部叙皇

王上

三皇垂策而五帝繁手唐虞按轡禹湯馳轅雖使周公

御衡仲尼促節固不已也

太平御覽皇王部  
叙皇王上

天先春而後秋地先榮而後凋日月先光而後幽是以

王者則之亦先教而後刑三王結繩五帝畫像三王肉

刑五霸黜巧此言步驟稍有優劣也

太平御覽皇王部  
叙皇王下

神農氏夫負妻戴以治天下堯曰朕之比神農猶旦與

昏也

太平御覽皇王部  
叙炎帝神農氏

京房別對曰太平日行上道升平行次道霸世行下道

玉海天文

天文書上

以知為準以巧為繩詐為之斧偽為之斤

道德經指  
歸卷九

上古聖人作湯液醪醴為而不用何也岐伯曰自古聖人之作湯液醪醴者以為備耳夫上古作湯液故為而弗服也中古之世道德稍衰邪氣時至服之萬全帝曰今之世不必已何也岐伯曰當今之世必齊毒藥攻其中饒石鍼艾治其外也

黃帝素問內經  
湯液醪醴論

黃帝問曰余聞古之治病惟其移精變氣可祝由而已

今世治病毒藥治其內鍼石治其外或愈或不愈何也  
岐伯對曰往古人居禽獸之間動作以避寒陰居以避  
暑內無眷慕之累外無伸宦之形此恬澹之世邪不能  
深入也故毒藥不能治其內鍼石不能治其外故可移  
精祝由而已今之世不然憂患緣其內苦形傷其外又  
失四時之從逆寒暑之宜賊風數至虛邪朝夕內至五  
藏骨髓外傷空竅肌膚所以小病必甚大病必死故祝  
由不能已也

黃帝素問內經  
移精變氣論

世界如車輪時變如輪轉人亦如車輪或上而或下

大智

度論

卷一

傷志

出自北門

叶眉貧反

憂心殷殷

詩國風北門

瞻彼阪

音反

田有苑

音帶

其特天之杞

音兀

我如不我克

詩小雅正

月

山有蕨薇隰有杞棘

音夷

君子作歌維以告哀

詩小雅四月

終風衛莊姜傷已也遭州吁之暴見侮慢不能正也

毛詩

終風

二子乘舟思伋壽也衛宣公之二子爭相為死國人傷

而思之

毛詩二子乘舟

春女怨秋士悲感其物化也

毛詩七月註

雍雍鳴鴈厲翼北游順時而動得意忘憂嗟我憤歎曾

莫能疇

晉書嵇康傳

猶眇者願明痿之思步

宋書袁淑傳

况懷抱之內水火鑠脂膏腠理之間風霜侵骨髓安可

醋舌絨唇吞聲飲氣惡呻吟之響忍酸辛之酷哉

隋書  
王孝

籍儒

林傳

鳥鳴東西迎其羣侶似有所屬不得自專

焦氏易林  
隨之隨

雄處弱水雌在海濱將別持食悲哀於心

焦氏易林  
剝之同人

言已所種衆芳草當刈未刈蚤有霜雪枝葉雖蚤萎病

絕落何能傷於我乎哀惜衆芳摧折枝葉蕪穢而不成

也以言已循行忠信冀君任用而遂斥棄則使衆賢志

士失其所也

王逸註楚  
辭離騷經



言我佩瓊玉懷美德偃蹇而盛衆人夢然而蔽之傷不

得施用也

王逸註楚辭離騷經

言湛湛江水浸潤楓木使之茂盛傷已不蒙君惠而身

放棄曾不若樹木得其所

王逸註楚辭招魂

言有便娟長好之竹生於江水之潭被蒙潤澤而茂盛

自恨放流而獨不蒙君之惠也

王逸註楚辭七諫

夫燕蟬遇秋寒將入穴處而懷憂懼候鴈鵠雞喜樂而逸豫言已無有候鴈鵠雞之喜樂而有蟬燕之憂懼也

王逸註楚

辭九辨

屈原憂愁覲視川水見石瀨淺疾流而下將有所至  
仰見飛龍翩翩而上將有所登自傷棄在山野終無所

登至也

王逸註楚  
辭九歌

言已在於湖澤之中見三鳥飛從南來觀察其志欲北  
渡江縱恣自在自傷不得北歸曾不若飛鳥也

王逸註  
楚辭九

數

言水尚得順其經脉揚蕩其波使之迅疾自傷不得順

其天性揚其志意常屈伏也

王逸註楚辭九歎

高張生於絕絃以喻立節期於效命聲急由乎調起以

喻辭切興於恨深

李善註文選顧延年秋胡詩

機詩曰我若西流水子為東峙岳

李善註文選陸士龍答兄機詩

安得同攜手契闊成駢服

李善註文選陸士龍答兄機詩

傷禽惡弦驚倦客惡離聲

大選鮑昭東門行

是以張高弦悲聲激柱落清唱未和而桑濮代作

補文選度

關弓賈

韻文

願至崑崙之縣圃兮采鍾山之玉英攀瑤木之檣枝兮  
望閭風之板桐弱水汨其為難兮路中斷而不通執不  
能凌波以徑度兮又無羽翼而高翔

補文選莊  
忘哀時命

雙鸞匿景曜戢翼太山崖抗首漱朝露晞陽振羽儀長  
鳴戲雲中時下息蘭池自謂絕塵埃終始永不虧何意  
世多艱虞人來我疑雲網塞四區高羅正參差奮迅勢  
不便六翮無所施隱恣就長纓卒為時所羈

廣文選嵇  
叔夜贈兄

公掇八  
軍詩

譬如卷施草心謝葉空存

廣文選王僧孺  
贈顧舍曹詩

騏驥馬不試婆娑槽櫪間壯士志未申坎壈多辛酸

廣文

選杜德魯贈  
母丘儉詩

余既滋蘭之九畹兮又樹蕙之百畝畦留萸與揭車兮

雜杜蘅與芳芷冀枝葉之峻茂兮願竢時乎吾將刈雖

萎絕其亦何傷兮哀衆芳之蕪穢

文選屈原  
離騷經

華堂傾榱廣宅頽墉高門降衡循庭樹蓬

藝文類聚人  
部友悌詩

樂鴛鴦之同池羨比翼之共林亮根異其何戚痛別幹

之傷心

藝文類聚人  
部友悌賦

困吳坂之峻岨畏鹽車之嚴策嗟遊處之弗遇奚鬱悵  
之難任背宇宙之寥廓羅網罟之重深常屏氣以歛迹

焉猶豫以娛心

藝文類聚人  
部言志賦

秋水萋萋其葉萎黃有鳥處山集于苞桑養育毛羽形  
容生光既得升雲遊倚曲房離宮絕曠身體摧藏志念

抑沈不得頡頏雖得餽食心有徊徨

藝文類聚  
人部怨

惟方今之疏絕若驚風之吹塵

藝文類聚人  
部別下賦

轉蓬離本根飄飄畏長風

藝文類聚  
草部蓬

百草應節生含氣有深淺秋蓬獨何辜飄飄隨風轉

藝文

類聚草  
部蓬

猗蘭操者孔子所作也孔子聘諸侯莫能自任自衛反

魯隱谷之中見香蘭獨茂喟然歎曰夫蘭當為王者香

今乃獨茂與衆草為伍乃止車援琴鼓之

事文類聚  
蘭花琴操

雖復孤骸不返方為漠

一作漢

北之塵營魄知歸終結江

南之草

文苑英華徐  
陵贈答上書

夫迷山之客遲遙響於巖崖窮海之賓望孤烟於洲嶼

文苑英華徐

陵宗親上書

輕鴻戲江潭孤鴈集洲汜邂逅兩相親同念共無已風

雨好東西一隔頓千里追想棲宿時聲容滿心耳短翮

不能翔徘徊烟露裏

初學記人部離別

鵠飛舉萬里一矰蜚昊蒼翔高志難得離鴻失所望

初學

記人部離別

黃鶴一遠別千里顧徘徊胡馬去其羣思心長依依

初學



記人部  
離別

喻林卷十八

欽定四庫全書

喻林卷十九

明 徐元太 撰

人事門 十七

嗟逝

雖泰山頽峻一簣不遺而泗水餘瀾千載猶在

梁書敬帝紀

摧苗落穎彌可傷惋

梁書張緬傳

霜早梧楸風先蒲柳

隋書韋世康傳

玉沒於訪珪之辰桂掩於搜芳之日

南史張裕克傳

仲尼悼顏淵苗而不秀子雲傷童烏育而不秀

揚子法言註問

神篇

恨其蘭玉夙凋故長轡未騁

鍾嶸詩品

歸華先委為露所墮別葉早辭為風所隕

李善註文選鮑明遠翫月

詩

音以應聲影以隨形形聲咸以翳沒影響故亦必藏

李善

註文選陸士衡  
弔魏武帝文

言德業之美類於蘭玉始含芳而積耀遽毀璧而摧柯

李善註文選潘  
安仁楊仲武誄

夫日蝕由乎交分山崩起於朽壤亦云數而已矣然百  
姓怪焉者豈不以資高明之質而不免卑濁之累居常  
安之勢而終嬰傾離之患故乎

文選陸機弔  
魏武帝文

春蘭擢莖方茂其華荊寶挺璞將剖於和含芳委耀毀

壁摧柯

文選潘岳  
楊仲武誄

顧長康拜桓宣武墓作詩云山崩溟海竭魚鳥將何依  
人問之曰卿憑重桓乃爾哭之狀其可見乎顧曰鼻如

廣莫長風眼如懸河決溜或曰聲如震雷破山淚如傾

河注海

世說新  
語言語

埋玉樹著土中使人情何能已已

世說新  
語傷逝

劍匿光芒壁碎符采

藝文類聚人  
部友悌啓

林木雖茂無形可久碑誄雖美無後可守

藝文類聚  
人部吟

麟亡星落月死珠傷瓶罄蟲耻芝焚蕙歎

藝文類聚人  
部懷舊銘

弔蕙若之暫芳慟琬琰之永缺

藝文類聚人  
部哀傷賦

彼蘭菊之芳茂及渠槿之榮色終於邑乎繁霜俱飄飄

於路側

藝文類聚人  
部哀傷賦

盡若窮煙離若箭弦如影滅地猶星殞天

藝文類聚人  
部哀傷賦

何德之盛而年或闕何華之繁而實不結

藝文類聚儲  
官部公主誄

律谷罷煊龍鄉輟曉照車去魏聯城辭趙

藝文類聚后  
妃部后妃誄

樂慶雲之普覆悼時雨之不廣

藝文類聚后  
妃部后妃誄

存若燭龍銜曜沒若庭燎俱滅

藝文類聚職官  
部散騎常侍誄

東耀方遠北芒已及墜露曉團悲風暮急

藝文類聚職  
官部太常墓

志

常懼慶雲之惠不酬而搖落奄至豈謂經塵之效莫展

而峻極先頽

藝文類聚職官部司空碑

繁霜夏被修梧摧幹

藝文類聚職官部司空碑

榮珪掩采靈劒摧鋒宋郊淪鼎洛水沈鐘

藝文類聚職官部太子中

庶子墓誌

玖璇隱曜美玉韜光

藝文類聚雜文部詩

來無見兮進無聞泣下雨兮歎成雲

藝文類聚雜文部賦

中峰岳斷半海鵬垂鳳沈丹穴龍亡黑陂

文苑英華庾信王爵一碑



冀後凋於歲寒，遭繁霜於夏零。滅皎皎之玉質，絕琅琅

之金聲。

太平御覽  
文部弔文

石堅而朽，星華而滅。

太平御覽  
文部弔文

壑舟今已去，寧有濟川時。

初學記職  
官部僕射

冬水之凝，何如春水之消。

初學記禮  
部死喪

何言集大鳥，忽此喪元龜。

初學記職  
官部僕射

譬如火焉，薪盡而火滅，則無光矣。故滅火之餘，無遺炎

矣。人死之後，無遺魂矣。

初學記禮  
部死喪註

王威明風韻適正神峯標映千里絕迹百尺無枝實俊

人也一爾過隙永歸長夜金刀掩銍長淮絕涸

何氏語  
林傷逝

使夫八真明珠未拚而藏曜百味淳乳不澆而自薄哀

哉

高僧傳  
十三論

智炬昏冥慈雲消滅長夜諸子誠可悲矣

法苑珠林  
卷十二

譏調

魯敗於狐駘國人誦之曰臧之狐裘敗我於狐駘我君

小子朱儒是使朱儒朱儒使我敗於邾

左傳襄  
公四年

師慧過宋朝將私便焉其相曰朝也慧曰無人焉相曰

朝也何故無人慧曰必無人焉若猶有人豈其以千乘

之相易淫樂之矇必無人焉故也

左傳襄公  
十有五年

衛侯為夫人南子召宋朝會于洮太子蒯聩獻孟于齊

過宋野野人歌之曰既定爾婁豬盍歸吾艾豕

左傳定  
公十四

年

公羊傳云晉靈公將殺趙盾躊躇而走靈公有周狗謂

之契呼契而屬之契亦躊躇而從之祁彌明逆而跋之

絕其頷趙盾顧曰君之契不若臣之契也

爾雅六畜疏

酒客難法度士譬之於物曰子猶瓶矣觀瓶之居居井之眉處高臨深動常近危酒醪不入口臧水滿懷不得左右牽於縵微一旦車礙為甕所輻身提黃泉骨肉為泥自用如此不如鴟夷鴟夷滑稽腹如大壺盡日盛酒人復借酤常為國器託於屬車出入兩宮經營公家繇是言之酒何過乎

前漢書游俠傳

士有不談此者則芸夫牧豎已叫呼之矣

後漢書陳實傳論

本聞卿作狗何意為龍輅言潛陽未變非卿所知焉有

狗耳得聞龍聲乎

魏志管輅傳註

于時謗書謂臺中有三狗二狗崖柴不可當一狗憑默

作疽囊三狗謂何鄧丁也默者爽小字也其意言三狗

皆欲噬人而謚尤甚也

魏志曹真子爽傳註

時有謗書曰曹爽之勢熱如湯太傅父子冷如漿李豐

兄弟如游光其意以為豐雖外示清淨而內圖事有似

於游光也

魏志夏侯尚傳註

洪祗俱會亮門下洪謂祗曰君馬何駛祗對曰故吏馬

不為駛明府馬不進耳

華陽國志

博陵崔洪為尚書左丞時人為之語曰叢生棘刺來自

博陵在南為鷄在北為鷹

晉書崔洪傳

時梅陶及鍾雅數說餘事納輒困之因曰君汝潁之士

利如錐我幽冀之士鈍如槌持我鈍槌捶君利錐皆當

摧矣陶雅並稱有神錐不可得槌納曰假有神錐必有

神槌

晉書祖納傳

王導嘗與諸葛恢戲爭族姓曰人言王葛不言葛王也

恢曰不言馬驢而言驢馬豈驢勝馬邪

晉書諸葛恢傳

時尚書僕射山濤領吏部王濟裴楷等並為帝所親遇

岳內非之乃題閣道為謠曰閣道東有大牛王濟鞅裴

相韜和嶠刺促不得休

晉書潘岳傳

綽性通率好譏調嘗與習鑿齒共行綽在前顧謂鑿齒

曰沙之汰之瓦石在後鑿齒曰簸之颺之糠粃在前

晉書

孫綽傳

羣非孔子厄同匡人雖陽和布氣鷹化為鳩至於識者

猶憎其目

晉書孔  
羣傳

既開青雲覩白雉何不張爾弓挾爾矢隱曰本謂是雲

龍駢駢乃是山鹿野麋獸微弩強是以發遲

晉書陸  
機傳

吾輩與先帝共興事業而不預時權君無汗馬之勞何  
敢專管大任是為我耕稼而君食之乎猛曰方當使君

為宰夫安直耕稼而已

晉書苻  
堅上傳

弟受海內駭笑不過如燕石禿鶩

宋書王  
徽傳



栢直狗雖老猶能獵蕭漂陽馬雖老猶駿徐娘雖老猶

尚多情

南史后妃下  
簡文皇后傳

無處不逢鳥噪無處不逢鮑佐正

南史鮑泉  
容卿傳

偃乘車在前瑀策駟居後相去數十步瑀蹋馬及之謂

偃曰君轡何疾偃曰牛駿馭精所以疾耳偃曰君馬何

遲曰騏驥羅於羈絆所以居後偃曰何不著鞭使致千

里答曰一蹙自造青雲何至與駑馬爭路

南史劉  
穆之傳

譔恚曰見炊飯推以與人王晏聞之曰誰復為蕭譔作

甌筋者

南史衡陽公諱傳

趙修小人背如土牛殊耐鞭杖

北史甄琛傳

今日吾譏晏子訾猶保而高櫬者也

晏子春秋問下

非人不得其故是猶澤人之非斤斧山人之非網罟也

晏子春秋外篇

堂衣若曰子何年少言之絞子貢曰大車不絞則不成

其任琴瑟不絞則不成其音子之言絞是以絞之也

韓詩

外傳

夫服事何足以端士行乎昔者荆為長劍危冠令尹子  
西出焉齊短衣而遂僕之冠管仲隰朋出焉越文身鬻  
髮范蠡大夫種出焉西戎左衽而椎結由余亦出焉即  
如君言衣狗裘者當犬吠衣羊裘者當羊鳴且君衣狐  
裘而朝意者得無為變乎

說苑  
善說

木門閭兮梁上柱敝鑿頭兮斷柯斧鞞鞞鼓兮補履樸  
脫椎袖兮擣衣杵視短人兮形如許

蔡中郎集  
短人賦

今為犯禮之行而不喜聞造死之譏是負豕而憎人說

其臭投泥而諱人言其污也

抱朴子外篇刺驕

是以世人為文競於詆訶吹毛取瑕次骨為戾

文心雕龍奏啓

魏晉滑稽盛相驅扇遂乃應瑒之鼻方於盜削卯張華

之形比乎握春杵

文心雕龍諧謔

與世殊技固孤是求子憂朱浮曼之無所用吾恨輪扁

之無所教也子覩木雕獨飛慙我垂翅故棲吾感去龜

附鵠悲爾先笑而後號也

補文選張衡應問

汝故是吳興溪中釣碣耳何敢譎張

世說新語雅量

康僧淵目深而鼻高王丞相每調之僧淵曰鼻者面之

山目者面之淵山不高則不靈淵不深則不清

世說新語排調

王孝伯問王大阮籍何如司馬相如王大曰阮籍胸中

壘塊故須酒澆之

世說新語任誕

鴻臚卿孔羣好飲酒王丞相語云卿何為恒飲酒不見

酒家覆瓿布日月糜爛羣曰不爾不見糟肉乃更堪久

世說新語任誕

謝幼輿謂周侯曰卿類社樹遠望之峨峨拂青天就而

視之其根則羣狐所託下聚溷而已答曰枝條拂青天

不以為高羣狐亂其下不以為濁

世說新語排調

支道林因人就深公買印山深公曰未聞巢由買山而

隱

藝文類聚人部隱逸上

又問荀令君趙盜寇皆足蓋世乎衡見荀有容儀趙有腹乃答曰文若可借面弔喪稚長可使監厨請客其意

以為荀但有貌趙健啖肉也

藝文類聚人部品藻

道真嘗與一人共索裨草中食見一嫗將二兒過並青

衣調之曰青羊將兩羔嫗答曰兩猪共一槽

藝文類聚人部嘲戲

殷方語孫卿曰公勿作強口馬我當併卿控孫亦曰卿

勿作冗鼻牛我當穿卿頰

太平御覽人事部言語

諺曰上車不落為著作體中何如則秘書言其不用才

也

初學記職官部秘書郎

司馬宣王辟州泰為新城太守尚書鍾毓請泰曰君釋

褐登宰府乞兒乘小車一何駛泰曰君明公之子少有

文彩故守吏職獼猴乘上牛一何遲衆賓悅服

初學記獸部猴

齊世有席昆蚩鄙文學嘲劉逖云君文若朝菌須臾之  
翫非宏才豈比吾千丈松常有風霜劉云既有寒木又

發春華可乎

事類賦木  
部松註

仕進不止執虎子

虎子洩器也侍中親省  
起居故謂之執虎子

蘇笑曰我誠

不能効汝蹇蹇驅鹿車馳也

何氏語  
林排調

劉道真於河側自牽船見一老嫗採杞劉調之曰女子

何不調機利杼而採杞嫗答曰丈夫何不跨馬揮鞭而

牽船

何氏語  
林排調



孫權嘗燕見蜀使費禕逆勅羣臣使禕至伏食勿起禕至權為輟食而諸人不起禕調之曰鳳凰來翔麒麟吐哺驢騾無知伏食如故諸葛恪應聲答曰爰植梧桐以待

鳳凰有何燕雀自稱來翔何不彈射使還故鄉

何氏語林排調

惠子始與莊子相見而問乎莊子曰今日自以為見鳳凰而徒遭燕雀耳坐者俱笑

困學紀聞卷十諸子

宋明帝紀胡母顥專權奏無不可時人語曰禾絹閉眼

諾胡母大張素禾絹謂上也

困學紀聞卷十七評文

怙大官而腫口臨滄海而攝腹真子之謂也

弘明集  
釋駁論

託比

鷺白鳥也以興潔白之士

毛詩有  
駁註

子貢問於孔子曰敢問君子貴玉而賤珉者何也為玉之寡而珉之多與孔子曰非為珉之多故賤之也玉之寡故貴之也夫昔者君子比德於玉焉溫潤而澤仁也縝密以栗知也廉而不剌義也垂之如隊禮也叩之其聲清越以長其終詘然樂也瑕不揜瑜瑜不揜瑕忠也

孚尹旁達信也氣如白虹天也精神見于山川地也圭璋特達德也天下莫不貴者道也詩云言念君子溫其

如玉故君子貴之也

禮記聘義

自號鵠夷者言若盛酒之鵠夷多所容受而可卷懷與

時張弛也

前漢書貨殖傳註

阮脩所著述甚寡嘗作大鵬贊曰蒼蒼大鵬誕自北溟假精靈鱗神化以生如雲之翼如山之形海運水擊扶搖上征翕然層舉背負大清志存天地不屑雷霆鷲鳩

仰笑尺鷃所輕超世高逝莫知其情

晉書阮籍傳

素既屢被徵辟聲譽甚高山中有螭蟲聲清長聽之使人  
不厭而其形甚醜素乃為螭賦以自況

宋書隱逸王素傳

文王乃齋三日乘田車駕田馬田於渭陽卒見太公坐  
茅以漁文王勞而問之曰子樂漁邪太公曰君子樂得  
其志小人樂得其事今吾漁甚有似也文王曰何謂其  
似也太公曰釣有三權祿等以權死等以權官等以權  
夫釣以求得也其情深可以觀大矣

太公六韜文韜

離騷之文依詩取興引類譬諭故善鳥香草以配忠貞  
惡禽臭物以比讒佞靈修美人以嬋於君宓妃佚女以  
譬賢臣虬龍鸞鳳以託君子飄風雲霓以為小人其詞  
溫而雅其義皎而朗凡百君子莫不慕其清高嘉其文  
彩哀其不遇而憫其志焉

王逸註楚辭離騷經

行當如蒼龍能屈能申志當如大虹能揚文采精當若  
彗星能耀光明舉當若鵠鵠飛能冲天也

王逸註楚辭九歎

雷為諸侯以興於君雲雨冥昧以興佞臣猿猴善鳴以

興讒人風以喻政木以喻民雷填填者君妄怒雨冥冥者羣佞聚也𧇊𧇊𧇊者讒夫弄口也風颯颯者政煩擾也木蕭蕭者民驚駭也

王逸註楚辭九歌

言橘枝重累又有利刺以象武也實圓搏又象文也以喻已有文武能方圓

王逸註楚辭九章

日以喻君山以喻臣霰雪以興殘賊雲以象佞人山峻高以蔽日者謂臣蔽君明也下幽晦以多雨者羣下專擅施恩也霰雪紛其無垠者殘賊之政害賢人也雲霏

霏而承宇者佞人並進滿朝廷也

王逸註楚辭九章

周禮后六服一曰翬衣取其雉性介而守以比后德也

張華註

禽經

佩鳴玉以比潔齊幽蘭以爭芬

陶靖節集賦

木度北而變質故不可以踰境金百鍊而不銷故萬邦

作諫

李善註文選陸士衡答賈長淵詩

蘭以秋馥可以喻言桂以冬榮可以喻性

李善註文選曹子建朔風

詩

鷦鷯小鳥也生於蒿菜之間長於藩籬之下翔集尋常之內而生生之理足矣色淺體陋不為人用形微處卑物莫之害繁滋族類乘居匹遊翩翩然有以自樂也彼鷺鷥鷓鴣孔雀翡翠或凌赤霄之際或託絕垠之外翰舉足以冲天觜距足以自衛然皆負矰嬰繳羽毛入貢何者有用於人也

文選鷽鷽賦

惟鷽鷽之微禽兮亦攝生而受氣育翩翩之陋體兮無玄黃以自貴毛弗施於器用兮肉不登乎俎味鷹鷂過



猶俄翼兮尚何懼於量尉翳薈蒙籠是焉遊集飛不飄  
颺翔不翕習其居易容其求易給巢林不過一枝每食  
不過數粒棲無所滯遊無所盤匪陋荆棘匪榮蒨蘭動  
翼而逸投足而安委命順理與物無患伊茲禽之無知  
兮何處身之似智不懷寶以賈害兮不飾表以招累

文選

鶴  
賦

不以資質之鄙薄兮欲增輝乎太清雖無補於日月兮  
期自照於陋形當朝陽而戢景兮必宵昧而是征進不

競於天光兮退在晦而能明諒有似於賢臣兮於疏外

而盡誠

廣文選傳  
虞瑩賦

驚無他心故庶人以為贅

藝文類聚  
鳥部鳴

顧惟燭之自焚以致用亦猶殺身以成仁矣

藝文類聚  
火部燭賦

我嘉茲櫛惡亂好理一髮不順實以為耻雖日用而匪

懈不告勞而自已苟以理而委任期竭力而沒齒

藝文類聚

服飾部  
梳枇賦

北園有一樹布葉垂重陰外雖多棘刺內實有赤心

藝文

類聚菓  
部棗詩

願為綠蘋草託身寄清池

藝文類聚  
草部萍

俯觀萬物擾擾焉如水之載浮萍

藝文類聚  
草部萍

蘭既春敷菊又秋榮芳薰百草色艷羣英孰是芳質在

幽愈馨

藝文類聚  
草部菊銘

文伯相魯敬姜謂之曰吾語汝治國之要盡在經耳幅  
者所以正枉也不可不强故幅可以為將畫所以均不  
服也故畫可以為正物者所以治蕪與莫也故物可以

為都大夫持而不出入不絕者捆也捆可以為大行人  
推而往引而來者綜也綜可以為關內之師主多少之  
數者均也均可以為內史服重任行遠道正直而固者  
軸也軸可以為相舒而無窮者摘也摘可以為三公文

伯載拜受教

太平御覽  
資產部織

去婦不顧門姜韭不入園以婦人之性草菜之情猶有

所耻想忠壯者意何所之

太平御覽  
菜部韭

至夫重陰之夕風雨晦暝萬物眩惑翩翩獨征奇姿燎

朗在陰益榮猶賢哲之處時時昏昧而道明若蘭香之

在幽越羣臭而彌馨

初學記  
蟲部螢

板則紫栢杵則木瓜何斯材而斯用也

用言  
築城

草則離離

靡靡緣岡而殖但使十步而有一芳余亦何辭間於荆

棘

何氏語  
林言志

石出荆山懸巖之顛外有五色之文内含卞氏之珍磨  
之不加瑩雕之不增文稟氣堅貞受之自然顧其理枉

屈紆繞而不得申

何氏語  
林言語

惟斯屏風出自幽谷根深枝茂號為喬木孤生陋弱畏  
金彊族移根易土委伏溝瀆飄飄危殆靡安措足天啓  
我心遭遇微祿中郎繕理收拾捐朴大匠攻之刻雕削  
斲表雖剥裂心實貞慤等化器類庇蔭尊屋列在左右  
近君頭足賴蒙成濟其恩弘篤不逢仁人永為枯木

初學

記器用部  
屏風註

是錫杖者名為智杖亦名德杖彰顯聖智故曰智杖行  
功德本故曰德杖如是杖者聖人之表幟賢士之明記

趣道法之正幢

得道梯登錫杖經尺八

隱語

還無社與司馬卯言號申叔展叔展曰有麥麴乎曰無  
有山鞠窮乎曰無河魚腹疾奈何曰目於胥井而拯之  
若為茅經哭井則已明日蕭潰申叔視其井則茅經存  
焉號而出之

春秋左傳宣公十二年

吳申叔儀乞糧於公孫有山氏曰佩玉藥兮余無所繫  
之旨酒一盛兮余與褐之父睨之對曰梁則無矣麤則

有之若登首山以呼曰庚

西方主穀

癸北方主水

乎則諾

左傳哀公十三

年

羊性淫而狠猪性卑而率鵝性頑而傲狗性險而出皆

指斥貴勢

南史卞彬文學傳

桓公使管仲求甯戚甯戚應之曰浩浩乎育育乎管仲不知至中食而慮之婢子曰公何慮管仲曰非婢子之所知也婢子曰公其母少少母賤賤昔者吳干戰未齒不得入軍門國子擿其齒遂入為干國多百里奚秦國



之飯牛者也穆公舉而相之遂霸諸侯由是觀之賤豈可賤少豈可少哉管仲曰然公使我求甯戚甯戚應我曰浩浩乎吾不識婢子曰詩有之浩浩者水育育者魚未有室家而安名我居甯子其欲室乎

管子  
小問

公遊於紀得書曰食魚無反勿乘駑馬公曰善哉知苦言食魚無反則惡其鰓也勿乘駑馬惡其取道不遠也晏子對曰不然食魚無反毋盡民力乎勿乘駑馬則無

置不肖於側乎

晏子春秋  
上

有物於此居則周靜致下動則綦高以鉅圓者中規方者中矩大參天地德厚堯禹精微乎毫毛而盈大乎宇宙忽兮其極之遠也撮兮其相逐而反也邛邛兮天下之咸蹇也德厚而不損五米備而成文往來惛憊通于大神出入甚極莫知其門天下失之則滅得之則存弟子不敏此之願陳君子設辭請測意之曰此夫大而不塞者與充盈太宇而不窅入都穴而不偪者與行遠疾速而不可託訖者與往來惛憊而不可為固塞者與暴

至殺傷而不億忘者與功被天下而不私置者與託地而游宇友風而子雨冬日作寒夏日作暑廣大精神請

歸之雲

荀子  
賦篇

有物於此儼儼兮其狀屢化如神功被天下為萬世文禮樂以成貴賤以分養老長幼待之而後存名號不美與暴為隣功立而身廢事成而家敗棄其耆老收其後世人屬所利飛鳥所害臣愚而不識請占之五帝帝占之曰此夫身女好而頭馬首者與屢化而不壽者與善

壯而拙老者與有父母而無牝牡者與冬伏而夏游食  
桑而吐絲前亂而後治夏生而惡暑喜溫而惡雨蛹以  
為母蛾以為父三俯三起事乃大已夫是之謂蠶理荀子

賦篇

有物於此生於山阜處於室堂無知無巧善治衣裳不  
盜不竊穿窬而行日夜合離以成文章以能合從又善  
連衡下覆百姓上飾帝王功業甚薄不見賢良時用則  
存不用則亡臣愚不識敢請之王王曰此夫始生鉅其

成功小者耶長其尾而銳其剝者耶頭鉅達而剝趙繆  
者耶一往一來結尾以為事無羽無翼反覆甚極尾生  
而事起尾遭而事已簪以為父管以為母既以縫表以  
連裏夫是之謂箴理

荀子  
賦篇

常擬曰過故鄉而下車子知之乎老子曰過故鄉而下  
車非謂其不忘故邪常擬曰嘻是已常擬曰過喬木而  
趨子知之乎老子曰過喬木而趨非謂敬老邪常擬曰  
噫是已張其口而示老子曰吾舌存乎老子曰然吾齒

從乎老子曰亡常縱曰子知之乎老子曰夫舌之存也  
豈非以其柔邪齒之亡也豈非以其剛邪常縱曰嘻是

已

說苑  
敬慎

淳于髡等曰狐白之裘補之以弊羊皮何如鄒忌曰敬  
諾請不敢雜賢以不肖淳于髡曰方內而圓釭如何鄒  
忌曰敬諾請謹門內不敢留賓客淳于髡等曰三人共  
牧一羊羊不得食人亦不得息何如鄒忌曰敬諾減吏

省員使無擾民也

新序雜  
事二

歛小器投諸台者言取郭外萌內之於城中也食獵犬  
組羊裘者言趣饗戰鬪之士而繕甲兵也琴之合甚思  
之者言思妻也臧我羊羊有母是蓋告妻善養母也食  
我以同魚同者其文錯錯者所以治鋸鋸者所以治水  
也是有木治係於獄矣冠纓不足帶有餘者頭亂不得  
梳饑不得食也故知吾子拘而有木治者

烈女傳周列國臧文仲母

然文辭之有諧隱譬九流之有小說蓋裨官所采以廣

視聽若效而不已則髡袒而入室旃孟之石交乎

文心雕龍

諧隱

寓言

元氣為舟微風為柂教翔大清縱意容冶

後漢書仲長統傳

父之譽子人多不信時有信者輒以常嫌見疑故借外

論之

郭子註莊寓言

方地為車圓天為蓋長劍耿介倚乎天外

補文選宋玉大言賦

析飛塵以為輿剖粃糠以為舟泛然投乎杯水淡若巨海之洪流憑蝸背以顧盼附蟻蠓而遐遊集寧隱微之



原渾存亡而不憂

補文選宋玉小言賦

開館尺捶餘築榭微塵裏蝸角列州縣毫端建朝市

藝文

類聚人部  
言語詩

攀蚊髯附蚋翼我自謂重彼不極邂逅有急相切逼竄

於針孔以自匿

藝文類聚人部  
言語賦

河流既竭日月俱騰置羅微物動落雲鵬

藝文類聚人部  
言語詩

針鋒於焉止息髮杪可以翱翔蚊眉深而易阻蟻目曠

而難航

藝文類聚人部  
言語詩

館于蠅鬚宴于毫端亨蟲腦切蟻肝會九族而同濟猶

委餘而不殫

藝文類聚人部  
言語賦

俯身望日入下視見星羅噓八風而為氣吹四海而揚

波

藝文類聚人部  
言語詩

并吞四夷飲枯河海跂越九州無所容止

藝文類聚人部  
言語賦

坐卧鄰空塵憑附蜚螭翼越咫尺而三秋度毫釐而九

息

藝文類聚人部  
言語詩

噫氣為風揮汗成雨聊灼戴山龜欲持探邃古

藝文類聚人部

言語詩

觀修鯤其若轍鮒視滄海之如濫觴經二儀而跼蹐跨

六合以翱翔

藝文類聚人部言語詩

四瀆流如淚五岳羅若垤

藝文類聚靈異部仙道詩

九河之水不足以瀆麴蘖八藪之木不足以為薪蒸七

澤之麋不足以充庖俎

事文類聚酣飲拾遺記

春雲為馬秋風為駟按之不遲勞之不疾

初學記天部天註

手頗義和轡足踏閭闔開東海猶蹄涔崑崙螻蟻堆

初學

記道釋  
部仙

譬如有樹名為好堅是樹在地中百歲枝葉具足一日  
出生高百丈是樹出已欲求大樹以蔭其身是時林中  
有神語好堅樹言世中無大汝者諸樹皆當在汝蔭中

大智度  
論卷十

先後

必須雷動於前風散於後然後萬物皆益如二月啓蟄  
之後風以長物八月收聲之後風以殘物風之為益其

在雷後

周易正義

自羊徂牛言先小後大也

毛詩絲衣註

樹麻者必先耕治其田然後樹之

鄭氏箋詩南山

三王之祭川也皆先河而後海或源也或委也此之謂

務本

禮記學記

凡食果實者後君子火熟者先君子

禮記玉藻

大猶已成發其小者遠猶已成發其近者將行重器先

其輕者先清而後濁者天地也

大戴禮記少間

善問之人如匠善政治堅木先斫治其濡易之處然後斫其節目其所問師之時亦先問其易後問其難也

禮記

正義  
學記

鐘之為體必待其擊每一春而為一容然後盡其聲言

善答者亦待其一問然後一答乃後盡說義理也

禮記  
正義

學  
記

凡國之大事先筮而後卜

周禮春  
官筮人

天尊地卑神明之位也春夏先秋冬後四時之序也

莊  
子

天道

先禋而浴則可以浴而禋則不可先祭而後饗則可先

饗而後祭則不可物之先後各有所宜也

淮南子  
說山訓

聖人以人占天者先乎天也史以天占人者後乎天也

大聖先天而天不違良吏後天而奉天時知其所先後

則天人之情得矣

揚子法言  
註五百篇

天道先春後秋以成歲為政先令後誅以成治

揚子法  
言註先

知篇

大極初構清濁始分故天先成而地後定

初學記地部摠載地

病發而有餘本而標之先治其本後治其標病發而不

足標而本之先治其標後治其本

黃帝素問內經標本病傳論

痛從上下者先刺其下以過之後刺其上以脫之痛從

下上者先刺其上以過之後刺其下以脫之

黃帝素問靈樞經周

痺

春夏先治其標後治其本秋冬先治其本後治其標

黃帝

素問靈樞經師傳



病之中外何如岐伯曰從內之外者調其內從外之內者治其外從內之外而盛於外者先調其內而後治其外從外之內而盛於內者先治其外而後調其內

黃帝素問

內經至真要大論篇

譬如日出先照一切諸大山王次照一切大山次照金剛寶山然後普照一切大地日光不作是念我當先照諸大山王次第乃至普照大地但彼山地有高下故照

有先後

大方廣佛華嚴經三十五

如人學射先安其足後習其法

大方廣佛華嚴經卷七十八

譬如有人欲入大海應先知彼水之深淺然後當入空虛

孕菩薩經卷下

如世人有三種田有一上田良美沃壤極為上好第二

田者適處其中好第三田者曠野邊遠沙鹵鹹惡有諸

田夫先於何田而下種為利益者先種良田望獲大利

若良田盡次種中者種中田已次種下田

別譯雜阿舍經卷十五

譬如搖樹取菓熟者前墮若未熟者更復後搖又如捕

魚前網不盡後網乃得

大智度論卷七

如人有重罪先以打縛楚毒然後乃殺

大智度論三十五

譬如先以好寶示人然後讚寶所能

大智度論卷五十六

如人重病先以除病為急然後以寶物衣服莊嚴其身

大智度論卷九十四


如垢衣先浣後淨乃染所以者何染法次第故以垢衣

不受染故

百論卷上守八

欽定四庫全書

增補  
卷十九



喻林卷十九

欽定四庫全書

子部

喻林卷二十一

詳校官中書<sub>臣</sub>朱文翰

主事<sub>臣</sub>祁韻士覆勘

總校官原任中允<sub>臣</sub>王燕緒

校對官中書<sub>臣</sub>李斯咏

謄錄監生<sub>臣</sub>蕭準

欽定四庫全書

喻林卷二十

明 徐元太 撰

人事門 十八

通塞

凡物之不親由有間也物之不齊由有過也有間與過

齧而合之所以通也

王弼注  
易噬嗑

夫以六合之大萬物之衆一體之所棲宅猶秋毫之在馬背也其所資因小許處耳而賢者順之以通不肖者

逆之以塞彼之所乘其異塗轍哉

後漢紀  
孝桓上

三人比肩不能外出戶一人相隨可以通天下

淮南子  
說山訓

數存則雖愚有所不失數亡則雖聖有所不得

揚子法  
言註問

神  
篇

水之性清動壅以堤則波縉而氣腐決之使通循勢而  
行從澗而轉雖有朽骸爛齒不能污也非水之性異通  
之與壅也人之通猶水之通也德如寒泉假有沙塵弗

能污也

劉子  
通塞

處穴大呼聲鬱數仞順風長叫響通百里入井望天不  
過圓蓋登峯眇目極於煙際向在井穴之時聲非卒頃  
目非暴昧而聞見局者其勢壅也及其乘風蹈峯聲非  
孟賁目非離婁而響徹眇遠者其勢通也

劉子  
通塞

金為火所流海為寒所凝此是理開而常達也然則能  
流金而不能焚景能凝海而不能結風此理閉而所窮

也

李善注文選陸  
士衡演連珠

夫華植之有零茂故陰陽之度也聖哲之有窮達亦命



之故也

藝文類聚雜文部賦賦

其見也則如遊龍其潛也則如隱鳳

藝文類聚人部隱逸上窟

譬若人行路或平或荆棘

修行道地經五陰成敗品

順逆

左隄彊則右隄傷左右俱彊則下方傷宜任水勢所之

使人隨高而處

後漢書明帝紀

古人稱榮華於順旨枯槁於逆違

晉書石苞傳

君不見夫羊乎百羊而羣使五尺童子荷杖而隨之欲

東而東欲西而西君且使堯牽一羊舜荷杖而隨之則

亂之始也

說苑  
政理

至順則金石無堅迂逆則水氣無夷順全逆毀斯正理

也

郭子註  
莊天下

七緯逆則天象變五性逆則人道敗變而不生菑敗而

不傷行者未之有也

劉子  
思順

今使孟說引牛之尾尾斷臄裂不行十步若環桑之條  
以貫其鼻縻以尋絢被髮童子騎而策之風於廣澤恣

情所趣何者十步之行非遠於廣澤被髮之童非勇於

孟說然而近不及遠強不如弱者逆之與順也

劉子思順

司馬蒯瞶天下之攻擊劍者也令提劍鋒而掉劍觚必  
刳其指而不能以陷腐木而況金甲乎若提其觚而掉  
其鋒雖則凡夫可以陸斬犀象水截蛟龍矣順理而行  
若執劍觚逆情而動如執劍鋒欲無傷手其可得乎

劉子

思順

今導泉向澗則為易下之流激波陵山必成難昇之勢

水之無情猶知違逆趣順矧人心乎

劉子思順

舟循川則游速人順路則不迷

意林唐子

將猶立坂而走丸不可復反也

玉皇本行集經

### 順易

同惡相求如市賈焉何難

左傳昭公十三年

所謂子應乎母以膠投漆雖欲勿合其可離乎

春秋正義

樹恩布德易以周洽其猶順驚風而飛鴻毛也

後漢書馮衍列

傳

夫有桀紂之亂乃見湯武之功人久饑渴易為充飽

後漢

書馮  
異傳

指麾則五嶽可傾呼喻則江湖可竭況履順討逆執正

伐邪是烏獲摧冰賁育拉朽猛獸吞狐泰山壓卵因風

燎原未足方也

晉書孫  
惠傳

傷弓之鳥落於虛發

晉書苻  
洪傳

豈不若因風振落頓坂交輪哉

晉書慕容  
容廐傳

一舉乘風掃清氣穢

晉書桓  
彝傳

大風一振枯幹必摧凝霜暫落秋蒂自殞

北齊書文襄帝紀

因其所好以悅導之若下坂以走丸譬順流而決壅

陳書

後主紀

以聽天下若背風而馳

淮南子原道訓

順風而呼者易為氣因時而行者易為力

鹽鐵論論功

循流而下易以至倍風而馳易以遠

說苑諄叢

長股喜走趨走千里

焦氏易林比之蹇

從風吹火牽麒麟尾易為之功因摧受福

焦氏易林泰之履

覆手齊牘易為功力

焦氏易林  
解之大有

始皇方斧將相方刀六國方木將相方肉激也

楊子重  
黎篇

居高屋之上而幡飢水言其向下之勢易也

前漢書註  
高帝紀

仲長子昌言云乘此風順此流而下走誰復能為此限

者哉

李善註文  
選琴賦

落葉俟微風以隕而風之力蓋寡孟嘗遭雍門而泣而

琴之感以末何者欲隕之葉無所假烈風將墜之泣不

足繁哀響也

文選陸機  
豪士賦序

若久塗炭則易政如渴不擇飲也

意林孟子

如人右手能作衆事

波羅密多經卷三百五十一

如癰已熟若遇醫師及以不遇悉得除愈

菩薩善戒經卷三

猶如平地駕四馬車善調御者執鞭持控使不失轍

阿長

含經卷十三

譬如熟癰若無治者得小因緣而便自潰亦如熟果若無人取微風因緣便自墮落譬如新淨白氎易為受色

大智度論

三十四



譬如服苦藥以蜜下之則易

大智度論  
卷八十七

逆難

諸侯既敗周室將亡今牂羊而責其大首終無是道也

以興周衰而求其大興亦無此理也

毛詩正義  
苦之

鄒人與楚人戰則王以為孰勝曰楚人勝曰然則小固不可以敵大寡固不可以敵衆弱固不可以敵強海內之地方千里者九齊集有其一以一服八何以異於鄒

敵楚哉

孟子梁惠王上

夫土之有川猶人之有口也治土而防其川猶止兒啼

而塞其口豈不遽止然其死可立而待也

前漢書  
溝洫志

遣將不與兵符必先請而後動是猶絀韓盧而責之獲

也

前漢書  
王莽傳

欲搖泰山而蕩北海事敗身危

後漢書馮  
衍列傳

所謂倒持干戈授人以柄功必不成祇為亂階

後漢書  
何進列

傳

夫既朽不雕衰世難佐若欲輔難佐之朝雕朽敗之木

是猶逆坂走丸迎風縱棹豈云易哉

後漢書皇甫嵩列傳

但墜崖之水事絕升躋覆盎之水利乖收汲

宋書范曄傳

夫彎弓射天未見能至揮戈擊地多力安施何則逆順

之勢定殊禍福之驗易原也

宋書沈攸之傳

同舟渡海中流遇風救患若一所憂同也張羅而政唱

和不差者其利等也故體痛者口不能不呼心悅者顏

不能不笑責疲者以舉千鈞責兀者以及走兔驅逸足

於庭求援捷於檻斯逆理而求之猶倒裳而索領

鄧析子無

厚

譬之出不由門行不從徑也以是求利不亦難乎

列子說符

使匠石以千歲之壽操鉤視規矩舉繩墨而正太山使  
賁育帶干將而齊萬民雖盡力於巧極盛於壽太山不

正民不能齊

韓非子大體

利所禁禁所利雖神不行譽所罪毀所賞雖堯不治夫

為門而不使入委利而不使進亂之所以產也

韓非子外儲說

左

人莫能左畫方而右畫圓也以肉去蟻蟻愈多以魚驅

蠅蠅愈至

韓非子外  
儲說左

使烏獲疾引牛尾尾絕力勳而牛不可行逆也使五尺

豎子引其捲而牛恣所以之順也世之人主貴人無賢

不肖莫不欲長生久視而日逆其生欲之何益

呂氏春  
秋重已

夫巢覆毀卵則鳳凰不至刳獸食胎則麒麟不來乾澤

涸魚則龜龍不往故君雖尊以白為黑臣不能聽父雖

親以黑為白子不能從

呂氏春  
秋名類

今夫地黄主屬骨而甘草主生肉之藥也以其屬骨責其生肉以其生肉論其屬骨是猶王孫綽之欲倍偏枯之藥而欲以生殊死之人亦可謂失論矣若夫以火能焦木也因使銷金則道行矣若以磁石之能連鐵也而求其引瓦則難矣

淮南子  
覽冥訓

禹決江疏河以為天下興利而不能使水西流稷辟土墾草以為百姓力農然不能使禾冬生豈其人事不至哉其勢不可也

淮南子  
主術訓

巧冶不能鑄木工匠不能斲金者形性然也

淮南子  
說林訓

入水而憎濡懷臭而求芳雖善者弗能為工

淮南子  
說林訓

畜利變幣欲以反本是猶以煎止燔以火止沸也

鹽鐵  
論錯

幣

上山求魚入水捕兔市非其歸自令久留

焦氏易林  
履之賁

採巢捕魚耕田捕鱖費日無功右手虛空

焦氏易林  
坎之鼎

灼火泉源釣魴山巔魚不可得火不肯燃

焦氏易林  
革之艮

築闕石顛立本泉源

焦氏易林  
艮之復

久鰥無偶思配織女求其非望自令寡處

焦氏易林  
中孚之益

次七勞牽不其鼻于尾弊測曰勞牽之弊其道逆也

太玄

經第  
六勤

言龜所以能負山若舟船者以其在水中也使龜釋水

而陵行則何能遷徙山乎

王逸註楚辭  
天問

夫班秋不能削瓦石為芒鉞歐冶不能鑄鉛錫為干將

故不可為者雖鬼神不能為也不可成者雖天地不能

成也

抱朴子內篇  
論仙



乃欲延螭蛄之命令有歷紀之壽養朝菌使累晦朔之

積吾子不亦謬乎

抱朴子內篇論仙

后稷雖善播植不能使禾稼冬生逆天時也禹善治水

鑿山穴川不能迴水西流逆地勢也人雖才藝卓絕不

能悖理成行逆人道也

劉子思順

何異處穴而望聲徹入井而欲睇博哉

劉子通塞

百川東到海何時復西歸

文選顏延之長歌行

此由禽鹿少見馴育則服從教制長而見羈則狂顧頗

纓赴蹈湯火雖飾以金鑣饗以嘉肴逾思長林而志在

豐草也

文選嵇康  
絕交書

何異執朽轡以御逸駟承勁風以握秋蓬

廣文選曹  
輔佐對儒

此則起高於川汙為深於邱山也

藝文類聚帝  
王部漢高帝

反鑒取照匹此何難倒裳求領方之為易

藝文類聚職  
官部尚書令

表

秋蠶不成冬種不生

太平御覽  
資產部蠶

魯連子曰古善漁者宿沙瞿子使漁于山則雖十宿沙

子不得一魚焉又曰宿沙瞿子善煮鹽使煮漬沙雖十

宿沙不能得也

困學紀聞  
卷十諸子

沒水捕雉兔登山索魚龍植麥欲穫黍運規以求方竭

力勞精神終年無見功

參同契箋  
註下篇

所謂逆四時者春得肺脉夏得腎脉秋得心脉冬得脾

脉其至皆懸絕沈瀟者命曰逆四時

黃帝素問內經  
玉機真藏論

譬如畫空作莊嚴具是難思議

金光明最勝  
王經卷二

有人墮海中有人教食水盡可得步出人言我已飲後

水復來世俗如是前後相趣不可極

三慧經  
藉八

如以網盛風是事為甚難

本緣經毗  
羅摩品

譬如鑽水求酥是實難得

本緣經月  
亮王品

夫至神不過天地不能使蟄蟲夏逝震雷冬發

辯正論  
卷二

### 易成

婉兮孌

叶龍  
春反

兮總角

音慣叶  
古縣反

兮未幾

上聲

見兮突而弁

兮

詩國風  
甫田

雨雪之盛漙漙然至日將出其氣始見人則皆稱曰雪

今消釋矣喻小人雖多王若欲興善政則天下聞之莫

不曰小人今誅滅矣

鄭氏箋  
詩角弓

有童子婉然而少變然而好兮總聚其髮以為兩角

然兮幼稚如此與別未經幾時而更見之突然已加冠

弁為成人兮言童子少自修飾未幾時而即得成人以

喻人君能善身修德未幾時而可以立功

毛詩正義  
甫田

挾泰山以超北海語人曰我不能是誠不能也為長者

折枝語人曰我不能是不為也非不能也故王之不王

非挾泰山以超北海之類也王之不王是折枝之類也

孟子梁惠王上

以齊王猶反手也

孟子公孫丑上

擢假海內若覆手背

吳越春秋句踐入臣外傳

夫差失道越亦賢矣濕易雨饑易助

越集外傳本事

夫蜀西僻之國也而戎狄之長也而有桀紂之亂以秦

攻之譬如使豺狼逐羣羊也

戰國策秦惠文君

以秦卒之勇車騎之多以當諸侯譬若施韓盧而逐鶩

免也

戰國策秦昭襄王

夫齊罷國也以天下擊之譬猶以千鈞之弩潰癰也

戰國

策秦昭

襄王

夫秦卒之與山東之卒也猶孟賁之與怯夫也以重力

相壓猶烏獲之與嬰兒也夫戰孟賁烏獲之士以攻不

服之弱國無以異於墮千鈞之重集於烏卵之上必無

幸矣

戰國策韓襄王

地勢便利其以下兵於諸侯譬猶居高屋之上建瓴水

也史記高祖紀

秦師至鄢郢舉若振槁史記禮書

以秦之彊大王之賢由竈上騷除史記李斯傳

夫以鴻毛燎於鑪炭之上必無事矣史記荆軻傳

寒之於衣不待輕煖饑之於食不待甘旨前漢書食貨志

夫舉吳兵以訾於漢譬猶蠅蚋之附羣牛腐肉之齒利

劍鋒接必無事矣前漢書枚乘傳

今以中國之盛萬倍之資遣百分之一以攻匈奴譬猶



以彊弩射且潰之癰也必不畱行矣

前漢書韓安國傳

執大斧伐枯木流大水滅發火

前漢書王莽傳

以新室之威而吞胡虜無異口中蚤蝨

前漢書王莽傳

以膠固之衆當解合之執猶以烈風掃彼枯葉

後漢書鄭太列傳

發突騎以犄鳥合之衆如催枯折腐耳

後漢書耿弇列傳

范滂清裁猶以利刃齒腐朽

後漢書劉傳

今將軍總皇威握兵要龍驤虎步高下在心此猶鼓洪

鑪燎毛髮耳

後漢書何進列傳

功易於泰山破雞子輕於駟馬載鴻毛

後漢書廣陵思王荆傳

雷震虎步竝集虜廷若舉炎火以焚飛蓬覆滄海而注

燹炭有何不消滅者哉

後漢書袁紹列傳

攻堅易於折枯摧敵甚於湯雪

後漢紀孝靈中

夫以秦楚之彊而報弱薛猶磨蕭斧而伐朝菌也

蜀志郤正

傳註

以明公之威應困窮之敵擊疲弊之寇無異迅風之振

秋葉矣

魏志辛毗傳

擾天下如驅羣羊舉二都如拾遺芥

晉書孝愍帝紀

以大將軍英秀諸將勇銳以攻小城何異洪鑪燎羽毛

晉書苻堅上傳

今有勁卒百萬文武如林鼓行而摧遺晉若商風之隕

秋葉

晉書苻堅下傳

以司馬模之彊吾取之如拉朽索絀小豎豈能汚吾馬

蹄刀刃邪

晉書劉聰傳

以萬乘之師掃一隅之寇傾山碎卵方之非易

晉書慕容德記

譬如聲發響應形動影隨未足比其易也

晉書慕容德記

傾海注螢頽山壓卵

宋書二凶劾傳

譬猶崩泰山而壓蟻壤決懸河而注燐燼豈有不殄滅

者哉

梁書武帝上紀

懸河注火奚有不滅

梁書武帝上紀

雖復朽株將拔非待尋斧落葉就殞無勞烈風

陳書周迪傳

豈異厲蕭斧而伐朝菌鼓洪鑪而燎毛髮雖愚者知其

不旋踵矣

魏書路恃慶弟思令傳

窮鄉下里其為叢祠也不過於卮酒而鬻肉蕪國之社

不難於請福

子華子晏子問黨

得其情則鴻遇長風魚縱大壑沛然莫之能禦故能制

行其術也

鬼谷子內捷註

夫寒者利裋褐而饑者甘糟糠天下嚮嚮新主之資也

此言勞民之易為仁也

賈子新書過秦上

於是秦人拱手而取西河之外

賈子過秦上

戰於鴻門曾無藩籬之難

賈子過秦下

然劉氏奪之若轉閉錘

淮南子道應訓

傾者易覆也倚者易輒也幾易助也濕易雨也

淮南子說林訓

以漢之彊攻於匈奴之衆若以强弩潰癰疽

鹽鐵論伐功

萬物得其本者生百事得其道者成

說苑談叢

然後洗甲于二川流凱于三峽倒戈于棧道功孰踰焉

漢室之安可倚牖而待也

天祿閣外史招賢

順傾轉圜不足以喻其便逡巡放屣不足以況其易

蔡中

郎集釋誨

衛君之賢為王術若烏獲之力以舉一斤

呂氏春秋務大解

夫其蕩滌凶穢剷除醜類若順迅風而縱烈火曬白日

而掃朝雲也

曹子建漢二祖優劣論

以王之雄武吞併巴蜀如鷗銜腐鼠耳

王子年拾遺記魏任成王

夫危葉畏風驚禽易落無待干戈聊用辭辯

文選王融策秀才文

若駭鯨之決細網奔兕之觸魯縞未足以喻其易

文選陳琳

為曹洪

作書

一匱初登東嶽之功可監埏埴在器瑚璉之姿先表

廣文

選任彥升齊司  
空曲江公行狀

芟夷斬伐如草木焉

藝文類聚人部哀傷賦

以此衆戰其猶烈火之燔秋蓬衝颯之掃落葉也

藝文類聚雜文部檄

譬猶迴太陽以消湛露運滄海以灌燎火其功易成其

事易立

藝文類聚封爵部外戚封表

威風所振烈火之遇鴻毛旗鼓所臨衝風之卷秋葉

苑文

英華庾信  
賀捷一表

彫殘殺翮無所假於風颯零落春枯不足煩於霜露

苑文



英華庾信  
雜銘

余欲令要道必行桴鼓相應由拔刺雪汙

黃帝素問內經  
至真要大論篇

十二瘡者其發各不同時察其病形以知其何脈之病也先其發時如食頃而刺之一刺則衰二刺則知三刺

則已

黃帝素問內  
經刺瘡論

如捉長毛之羊隨意東西而無疑難

增壹阿含  
經卷二十

猶若素質易為受染

長阿含  
經卷一

亦如被鍊剛巧匠解木理

鶡崖髻  
經緣六

譬如大象拔于小草

無明羅刹經

覩日月之明何假離朱之察聞雷霆之音奚事子野之

聽

弘明集折夷夏論

譬如日月懸天無假離朱之目鳴鐘在耳不勞子期之

聽

弘明集十

難成

顏率謂齊王曰夫鼎者非效壺醢醬瓠耳可懷挾提挈以至齊者非效鳥集鳥飛兔興馬逝漣然止於齊者昔

周之代殷得九鼎凡一鼎而九萬人輓之九九八十一萬人士卒師徒械器被具所以備者稱此今大王縱有其人何涂之從而出

戰國策周惠公

夫以區區之濟北而與諸侯爭彊是以羔犢之弱而扞

虎狼之敵也

前漢書鄒陽傳

諺言作舍道邊三年不成會禮之家名為聚訟

後漢書曹褒傳

以若所為求若所致猶緣木求魚煎水作冰其不可得

明矣

魏志高堂隆傳

矜功者不立虛願者不至

子華子北宮子仕

其於治天下也猶涉海鑿河而使蚤負山也

莊子應帝王

稻生於水而不能生於湍瀨之流紫芝生於山而不能生

於盤石之上磁石能引鐵及其於銅則不行也

淮南子說山訓

憑河登山道路阻難

焦氏易林坤之升

冬採薇蘭地凍堅難

焦氏易林屯之大壯

負牛上山力少行難烈風雨雪遮遏我前

焦氏易林訟之剝

欲上南阪軸方不轉還車復反

焦氏易林咸之大畜

欽定四庫全書

卷二十

縮緒亂絲手與為災

焦氏易林  
避之泰

烹魚失刀駕車馬亡

焦氏易林  
无妄之艮

足履地而為迹暴行而為影此易而難解云履地跡自成

行日中影自生是其易使跡正影直是其難也

淮南子  
解說山

進趨猶有不達者焉稼穡猶有不收者焉商販或有不

利者焉用兵或有無功者焉況乎求仙事之難者為之

者何必皆成哉

抱朴子內  
篇論仙

冀西伯之方畋俟黃河之將清

抱朴子外  
篇安貧

雖搜琬琰於培塿之上索鸞鳳于鷦鷯之巢未為難也  
吾亦豈敢謂藍田之陽丹穴之中為無此物哉亦直言

其稀已矣

抱朴子外  
篇交際

蕩蕩乎若昇天路而不知夫所登也

李善註文選謝靈  
運入華子岡詩

雖由禦者之無方將非其才亦豈不以寇發心腹害起

肘腋疾篤難療瘡大遲愈之故哉

廣文選江應  
元徒戎論

舟未濟而河廣途方遙而馬疲

藝文類聚人  
部行旅詩

物無陰陽違天背元牝難自卵其雛不全

參同  
契

譬如有人無有手足及呪術力擔須彌山或欲履水或持浮木度於大海此為難不

念佛三昧  
經卷三

恒河駛流水可生白蓮華黃鳥作白形黑鳥變為赤假使膽部樹可生多羅果竭樹羅枝中能出菴羅葉斯等希有物或容可轉變世尊之舍利畢竟不可得假使用龜毛織成上妙服寒時可披著方求佛舍利假使蚊蚋足可使成樓觀堅固不搖動方求佛舍利假使水蛭蟲口中生白齒長大利如鋒方求佛舍利假使持兔角用

成於梯墜可昇上天宮方求佛舍利鼠緣此梯上除去  
阿蘇羅能障空中月方求佛舍利若蠅飲酒醉周行村  
邑中廣造於舍宅方求佛舍利若使驢脣色赤如頻婆  
果善作於歌舞方求佛舍利鳥與鷦鷯鳥同共一處遊  
彼此相順從方求佛舍利假使波羅葉可成於傘蓋能  
遮於大雨方求佛舍利假使大船舶盛滿諸財寶能令  
陸地行方求佛舍利假使鷦鷯鳥以觜銜香山隨處任

遊行方求佛舍利

金光明最勝  
王經卷一



是故當知菩薩心者第一難得如優曇華時時一現是

珍寶心以無價故

華手經卷二

破一毛百分射一分之毛箭箭悉中此則為難

雜阿舍經卷十

五

如海難渡如地難平

大乘經上

此媼怒癡不可輕滅譬如以糠火欲消銅鐵終不能也

脩行道地經慈品

譬如有人而取一髮破為百分還續如故令不老錯是

事甚難不乎

脩行道地  
經勸意品

猶如羸人步涉高山

本緣經毗  
羅摩品

譬如大海水欲盡其涯底

大智度  
論卷一

### 道塞

小畜亨密雲不雨自我西郊

易小  
畜

初六井泥不食舊井无禽

易  
井

六二艮其腓不拯其隨其心不快

易  
艮

坎坎伐檀兮寘之河之干兮河水清且漣

音猗  
音

坎

坎伐輻兮寘之河之側兮河水清且直猗 坎坎伐輪

兮寘之河之湄

音啓

兮河水清且淪猗

詩國風伐檀

鼓鐘于宮聲聞

音問

于外念子惓惓

音慥

視我邁邁

詩小雅白華

川水當盈而以竭盡且又被天塞不得整流似法當嚴

整而以破壞被人違逆不得施行

春秋正義宣公十二年

歎鳳遽哀泣麟何促

史記孔子世家贊

塗回道塞求事不得

焦氏易林坤之艮

桑葉螟蠹衣敝如絡女工不成絲布為玉

焦氏易林需之蠱

簞瓶空虛饑無所食

焦氏易林  
剝之睽

江陰水側舟楫破乏狐不得南豹無以北

焦氏易林  
恒之盛

西賈巴蜀寒雪至轂欲前不得反復其室

焦氏易林  
家人之解

草適為主道路塞墜

焦氏易林  
井之姤

衣空履穿无以禦寒細小貧屢不能自好

焦氏易林  
萃之家人

次八日無杵其碓舉天陰不雨白日毀暑測曰曰無杵

其守貧也

太玄經  
第五字

上九陰

欽

不雨孚乾脯測曰陰不雨何可望也

太玄經  
第五字

陰閉塞  
之意

夫山崩壅河猶人之有癰腫血脉不通也

王充論衡  
感虛篇

氣結閼積聚為癰潰為疽創流血出膿豈癰疽所發身

之善穴哉營衛之行遇不通也

王充論衡  
幸偶篇

屈原放至遠方之外博求衆賢人索寔妃則不肯見求  
簡狄又後高辛幸若少康留止有虞而得二妃以成顯

功

王逸注楚  
辭離騷經

言已懷德不用若工握剗而無所刻鏤持方園而無

所錯也

王逸註楚辭哀時命

為鳳凰作棲以鷦鷯之籠雖翕其翅翼猶不能容其形

體以言賢者遭世亂雖屈其身亦不能自容入

王逸註楚辭哀

命時

執握金玉委之污瀆遭世溷濁莫之能識

王逸註楚辭九懷

言已登高大之陵周而四望觀香芷之圃歷歷而有行列傷人不采而佩帶言已亦修德行義動有節度而不

見進用也

王逸註楚辭九歎

言玄媛捷敏失於高深之林則獨偏遂放棄忘其能也

以言賢人棄在山澤亦失其志也

王逸註楚辭九歎

然不能凌扶搖以高竦揚清耀於九玄器不陳於瑚簋

之末體不免於負薪之勞

抱朴子外篇任命

蒙季陵于仲石瘞于泉魈

音萃進也

靡適

音衣退也

靡旋傳曰

季陵于仲弟在兄上也石瘞于泉山在水下也魈靡適

進而礙山也岸靡旋退而阻險也

元包仲陰

踏地無歸瞻烏靡託

文選陸陸石闕銘

騁驂騶於狹路兮顧蹇驢而弗及  
資章甫以遊越兮見  
犀兕而先入被文繡而賈戎兮識旃裘之必襲

廣文選  
阮嗣宗

東平  
賦

是以籠樊之鶴寧有六翮之期  
翮一作航上之馬無復千

金之價

文苑英華  
庾信連珠

悲夫章甫之委裸俗韶夏之棄鄙  
俚至真絕於漫習大

道廢於曲士也

弘明集孫  
綽喻道論



喻林卷二十